




Membership Rewards պարգևատրումների ծրագրին անդամակցման և մասնակցության պայմանները

Ինչպե՞ս անդամակցել Membership Rewards պարգևատրումների ծրագրին

Membership Rewards պարգևատրումների ծրագրին անդամակցումը կարող է իրականացվել երկու եղանակով.

1. Քարտի պատվիրման պահին՝ Քարտի դիմումում համապատասխան նշում կատարելու միջոցով, ընդ որում՝ այս պարագայում ծրագրին անդամակցումն առաջին տարվա համար անվճար է:
2. Քարտը ստանալուց հետո ցանկացած պահի՝ այցելելով բանկի որևէ մասնաճյուղ և լրացնելով Membership Rewards ծրագրի անդամակցության դիմումը:

Ինչպե՞ս է տեղի ունենում միավորների կուտակումը

Դուք կատարում եք վճարային կամ կանխիկացման գործարք Ձեր American Express® Gold Քարտով: Հայաստանում և արտերկրում կատարված յուրաքանչյուր գործարքից հետո հաշվարկվում են համապատասխան քանակությամբ միավորներ՝

1 միավոր = 500 ՀՀ դրամ (վճարային գործարքի դիմաց)
1 միավոր = 1 000 ՀՀ դրամ (կանխիկացման գործարքի դիմաց):
Ինչպե՞ս պատվիրել Ձեր պարգևատրումը

1. Ստուգեք Ձեր միավորների քանակը: Կուտակված միավորների մասին Դուք տեղեկացվում եք ամսական 2 անգամ Ձեզ ուղարկվող քարտային հաշվի քաղվածքի միջոցով: Բացի այդ, ընթացիկ միավորների քանակի մասին միշտ կարող եք տեղեկանալ՝ զանգահարելով բանկի շուրջօրյա սպասարկման հեռախոսային կենտրոն:
2. Օգտվելով Membership Rewards պարգևատրումների ծրագրի www.americanexpress.am կայքի էլեկտրոնային հարթակից՝ ընտրեք Ձեր կուտակված միավորներին համարժեք նվերը, լրացրեք պարգևատրման հայտը և պատվիրեք այն:
3. Ստանալով Ձեր պատվերը՝ Բանկի համապատասխան մասնագետը կարճ ժամանակահատվածում կկազմակերպի պարգևատրման հանձնումը բանկի կամ առևտրի և սպասարկման կետի կողմից: Այն դեպքում, երբ Ձեր ընտրած պարգևատրումը տվյալ պահին հասանելի չէ, Ձեզ կտրվի փոխարինող տարբերակներից ընտրություն կատարելու հնարավորություն:

Ինչպե՞ս արագացնել միավորների կուտակումը

1. Կատարե՛ք Ձեր առօրյա գնումները որքան հնարավոր է հաճախ՝ կիրառելով American Express® Gold Քարտը որպես վճարման միջոց:

Ամենահին ևլ նշանակություն չունի, թե որտեղ եք Դուք գտնվում՝ Հայաստանում, թե արտերկրում, քանի որ American Express® համակարգն ունի սպասարկման համաշխարհային լայն ցանց: Հիշեք, որ American Express® Gold Քարտով կատարած յուրաքանչյուր գործարքով Ձեր միավորներն ավելանում են և Դուք ավելի եք մոտենում Ձեր ցանկալի պարգևատրմանը:

2. Պատվիրե՛ք կից քարտեր Ձեր հարազատների համար:

Ձեր American Express® Gold Քարտի քարտային հաշվին կցված առաջին երկու կից American Express® Gold Քարտերի տրամադրումն ու սպասարկումն անվճար են: Պատվիրելով կից քարտեր Ձեր հարազատների համար՝ Դուք հնարավորություն եք ստանում կուտակել միավորներ ոչ միայն Ձեր Քարտով, այլ նաև կից American Express® Gold Քարտերով կատարված գործարքների դիմաց: Որքան շատ են գործարքները, այնքան արագ են կուտակվում միավորները: Կից Քարտի պատվիրման համար կարող եք լրացնել կից Քարտի առցանց դիմում www.americanexpress.am կայքում կամ այցելել բանկի ցանկացած մասնաճյուղ:

3. Հետևե՛ք բանկի կողմից իրականացվող հատուկ առաջարկներին:

Բանկի կողմից American Express® Gold Քարտատերերի համար պարբերաբար կազմակերպվում են հավելյալ միավորների կուտակմանն ուղղված հատուկ առաջարկներ: Ծանոթացեք դրանց www.americanexpress.am և www.acba.am կայքերում, սոցիալական ցանցերում, ինչպես նաև բանկի տեղեկատվական նյութերում:

Membership Rewards պարգևատրումների ծրագրի պայմանները

1. Ծրագիրը նախատեսում է American Express® Gold Քարտով կատարված բոլոր վճարային գործառնությունների, ինչպես նաև կանխիկի ստացման գործառնությունների դիմաց միավորների կուտակում, որոնք հետագայում փոխարինվում են արժեքավոր պարգևատրումներով:

Քարտից քարտ փոխանցումների, բանկային հաշիվների միջև փոխանցումների, կոմունալ ծառայությունների դիմաց վճարումների, բանկին տրամադրված պարբերական վճարման հանձնարարականով կոմունալ ծառայությունների դիմաց վճարումների, ինչպես նաև ՀՀ տարածքում գրանցված էլեկտրոնային դրամապանակների միջոցով կատարվող գործարքների և բջջային օպերատորների գրասենյակներում վճարումների դեպքում միավորներ չեն կուտակվում:

2. Կից Քարտերի միջոցով առևտրի և սպասարկման կետերում անկանխիկ վճարումների և կանխիկի ստացման գործառնությունների դիմաց կուտակված միավորներն ավելանում են Քարտատիրոջ՝ հիմնական Քարտի միջոցով կուտակված ընդհանուր միավորներին և ենթակա են տնօրինման հիմնական Քարտի Քարտատիրոջ կողմից:

3. Քարտատիրոջ անդամակցումը ծրագրին կատարվում է 1 (մեկ) տարի ժամետով, բայց ոչ ավել, քան Քարտի գործողության ժամկետն է:

4. Քարտատերը կարող է իր կուտակած միավորներն օգտագործել՝ լրացնելով պարգևատրման հայտը: Միավորները չեն կարող օգտագործվել գումարի կանխիկացման կամ բանկի հանդեպ ունեցած պարտավորությունների մարման նպատակով:

5. Այն դեպքում, երբ Քարտատերն ունի մեկից ավելի American Express® Gold Քարտ, նա ցանկացած ժամանակ իրավունք ունի իրականացնել կուտակված միավորների տեղափոխում իր Քարտերի միջև՝ զանգահարելով բանկի շուրջօրյա սպասարկման հեռախոսային կենտրոն կամ լրացնելով համապատասխան դիմում բանկի մասնաճյուղում:

6. Բանկը որևէ պատասխանատվություն չի կրում Քարտատիրոջն առաջարկվող ապրանքների և ծառայությունների որակի, ինչպես նաև տեսականու մեջ ներառված ապրանքը և/կամ ծառայությունն առևտրի և սպասարկման կետում սպառվելու կամ այլ հիմքով տվյալ պահին անհասանելի լինելու համար: Նման իրավիճակում Քարտատիրոջն առաջարկվում է ընտրություն կատարել այլ ապրանքների և ծառայությունների տեսականուց:

7. Ծրագրին անդամակցման սակագները սահմանվում են բանկում տվյալ պահին գործող սակագներին համապատասխան:

8. Պայմանների ուժի մեջ մտնելով՝ նախկինում գործող պայմանները չեղյալ են համարվում: